

Wd
993



h



h. 69, 21

Wd
993

Q. D. R. V.

VOTIVA TABVLA,

POST

ILLVCESENTEM VIII. AVGVSTI CIO 13CC XXVI.

AVSPICATISSIMVM

NATALEM QVINQVAGESIMVM

SERENISSIMI PRINCIPIS,

AC DOMINI,

FRIDERICI,

DVCIS SAXONIAE, IVLIAE, CLIVIAE,

AC MONTIVM, VT ET ANGRIAE, ET WESTPHALIAE,

LANDGRAVII THVRINGIAE, MARCHIONIS

MISNIAE, COMITIS PRINCIPIS HENNEBERGIAE,

COMITIS MARCAE, ET RAVENSBERGAE,

DYNASTAE RAVENSTEINII, ET TONNAE,

PPINCIPIS, AC DOMINI SVI

CLEMENTISSIMI,

propter supergressum feliciter primum magnum

ANNVM CLIMACTERICVM,

qui vitae humanae scopulus, & fatalis imperantibus vulgo creditur,

superatumque annorum aetatis numerum DEI populo sacrum,

commendatumque diuina autoritate

IVBILEI nomine variis immunitatibus dedicandum

suspensa,

cum

ILLVSTRIS GYMNASII GOTHANI lustratio finiretur,

atque inuitanda esset ad solennem supplicationem

PANEGYRIS.

GOTHAE, LITTERIS REYHERIANIS.

27



DVX SERENISSIME,
PRINCEPS, AC DOMINE
CLEMENTISSIME.



OTIVAM TABVLAM non cum POETA sus-
pendimus *potenti maris deo*; sed propi-
tio patriae, & huius PRINCIPALI DO-
MVI SAXONICAE, ERNESTINAE-
QVE STIRPIS POSTERIS NVMINI,
DEO T.O.M. qui ex hac superioris se-
culi septuagesimi sexti anni octauo AV-
GVSTI die praesidium dedit, & dulce nostrorum temporum
decus, *SERENISSIMVM PATRIAE PATREM,*
FRIDERICVM, atque manifestissime huic
fauit muneri, dum NATALIS adit *QUINOVAGESIMVS,* nec
deest, quod beatam reddere potest *SERENISSIMAM DOMVM*
FRIDENSTEINIAM, ipsius *SERENISSIMI PATRIS*
PATRIAE, & SERENISSIMAE CONIVGIS,
MAGDALENAE AVGVSTAE, ASCANIAE,
incolumitas, vtriusque sexus iuuentutis principum incre-
menta laetissima, & progressuum in scientia, & virtute ce-
lebritas, certa successio, & huic destinati *SERENISSIMI PRIN-*
CIPIS HAEREDITARII dudum spectata, & exterorum admira-
tionem in se conuertentia ornamenta, pacata vndiquaque,
& suis bonis gaudens patria, sacrorum integritas, nec pro-
fliga-

fligata res litteraria, nec impedita fructuosa ciuibus com-
mercia. His affluentes opportunitatibus sub quinquagesi-
mum PATRIS PATRIAE natalem boni, gratique ciues mirifice
exultant, gratulabundi non sibi minus, quam vniuersae pa-
triae, vtpote qui incidisse sibi videntur in populi Dei an-
num sacratissimum, IVBILEI nomine ISRAELITIS commen-
datum, naetique fausti, festiuique temporis antistitem, legiti-
mae immunitatis vindicem, PRINCIPEM BONVM, SAPIENTEM,
& SVAE non magis DOMVS, quam PVBLICAE SALVTIS, & po-
puli obnoxii studiosissimum, qui repraesentare possit, velit-
que clementissime similia illis commoda, quae Dei populus
post quinquagesimum quemque annum consecutus est re-
publica sua florente, quae videlicet fas, & iura finunt ex-
pectare, atque aequi, bonique ciues pro ratione temporum,
& status praesentis poscere, & non temere, vel impie spera-
re possunt: nec non detergere labem, quae superiorum tem-
porum vitio, & consuetudinis deprauatione inoluit, a more,
reque sacra, & litteraria; & qui his fideliter operantur, vind-
icare ab iniuria: maxime autem intercedere publicae cladi,
& illi rerum perturbationi, quae vltimis temporibus in-
tercepit publica gaudia, & caussa stetit, cur cessarent prorsus
ISRAELITICI IVBILEI solennia; idque non impetu, vi, & manu
armata: quibus publica incommoda asperantur magis quam
sanantur, vel mitigantur: sed artibus *FRIDERICIANIS* rati-
one, consilio, prudentia, & clementia. Non vltima piis
ciuibus laetandi materia est PRINCEPS ad hanc spem, fortu-
namque suam, & publicam non auspicatissime natus solum;
sed prouidentissime seruatus, atque ad spei perpetuitatem
auctus sobole copiosa, paternae indolis, & virtutis aemula.
Spectata sunt manifesta propitiae nobis prouidentiae pigno-
ra, & indicia in aditu matrimonii, vnde tantum robur, &
decus *CELISSIMA* DOMVS SAXONICA erat habitura: funus
pene factus esset, qui sponsus erat omnium piorum ciuium
votis, & bonis ominibus propediem inter nuptiarum solen-
nia

nia prosequendus. Certe excussus iam tum temere globus,
& medium corpus feriens penetrasset altius, nisi forte ob-
iecta subnectens vestem fibula fatalem ictum inhibuisset.
Vix dici potest, quo plausu populari exceptus, spectatusque
sit Superstes post vulnus acceptum, nec exponi, qua sollicitu-
dine Gothanos percutiat quisque vulgatus rumor de tenta-
ta valetudine sui *FRIDERICI*? Trepidatum est imminen-
te anno climacterico, qui Censorino autore, *difficillimus* est,
& in humanarum rerum fastigiis constitutis, multumque
magis, quam longe viuentibus fatalis creditur, nimirum
aetatis gradus, quem *complent anni septies septeni*, siue *unde-
quingagesimus*. Qui dum venit, praeteriitque saluo *SERE-
NISSIMO FRIDERICO*, facile intelligitur, quam impense
sibi gratulentur pii ciues, quod ipsam quinquagesimum an-
num emeriri vident tam optabilem PATRIAE PATREM? quan-
tusque consensus sit omnis generis, ordinisque hominum in
suspendenda tabula votiua, votisque cumulandis pro *DILE-
CTISSIMI SVI FRIDERICI* vita longissima, vt impleat, supe-
retque maiorem illam annorum seriem, Dauidicum vitae
terminum vltimum, quadrato annorum numero, *nouenario*
toties multiplicato, metiendum? quo *numero annorum vi-
tam humanam consummari putauit Plato, sanctissimus* a Censo-
rino appellatus *philosophus*. Certare pietate, & laetari am-
bitiosius successibus dominicis, quinquagesima maxime luce
natali, boni ominis non minus, quam sacri nominis plena,
nemini magis conuenire videtur, quam teneris futuri po-
puli gregibus, horumque ductoribus, & antesignanis, iuuen-
tuti, & magistris scholasticis. Illa enim votis maxime frui-
tur, & felix censenda est, quod sub talis PATRIS PATRIAE ele-
mentia, & prouidentia sibi ad omne virtutis opus, & cultae
mentis decus licet adolescere: hi autem opportuno hoc in-
diget vindice, si minus laborare velint in vitae genere la-
boriosissimo, & tueri vtcunque liberalium artium professio-
nem, negotium dudum conflictatum, & pene profligatum,

X 3

vtpo-

utpote multorum ad alia conuerforum iudiciis contrarium, plurium moribus infestum, adeo ut cum Romae omnis generis homines tolerarentur, nullo discrimine Troes, Rutulie, probi, improbiue, artifices, inertes, bonus ludimagister Archias inde eiiciendus visus sit, & Romanae eloquentiae princeps necesse habuerit omnem dicendi vim expedire ad Gracchi cuiusdam accusationem refutandam, & bonum virum in ciuium Romanorum numero retinendum. Prauitatem enim sibi exprobrari, dum recta inculcantur: quia ex veteris SAPIENTIS dicto adhuc *πλείστοι κακοὶ* inueniuntur: aegre non solum ferunt manifestae vitiositatis infamia laborantes; sed dubiae virtutis homines spectatiores. Quorum sane odiis succumberent optimi ludimagistri, nisi sub umbra, & clementia imperantium ingratum vulgo opus daretur peragere. Cuius sub onere si ab ingratis impelluntur, & vrgentur, ut labantur septies, experianturque, quod iustis proposuit Salomo; non labefactantur tamen, sed praesto illis est supremi DOMINI auxilium, qui principum, procerumque animos excitat ad subueniendum laborantibus. Repentinae salutis autorem hoc pacto toties experti *SERENISSIMUM FRIDERICVM*, quid non despondeant eius auspiciis in posterum? quid pro *ILLIVS*, & *SERENISSIMORVM* pignorum incolumitate non deuocent? Pii huius sensus, & deuotae voluntatis interpretes copiosiores esse voluerunt *SELECTAE CLASSIS* alumni ingeniis, & studiis florentes, quorum parentes *FRIDERICIANIS* beneficiis, & honoratis ministeriis ornati clarescunt: qui dum publico nomine in celebrando, & dedicando *NATALI DOMINICO*, & illustris scholae iustrationi imponenda coronide pii esse volunt, non poterunt tamen dissimulare priuatas pietatis rationes, quae efficiunt, ut quae dicenda illis erunt, & vouenda pro ritu, & cerimonia, dicturi sint ex animo vere deuoto, & bona fide non illustris scholae solum; sed & suarum familiarum *NUTRITORI* indulgentissimo vitam longam, & successuum prosperorum perpe-

perpetuitatem precaturi. Quod dum facere instituunt, suo quisque ratu, & arbitrato delectam dicendi materiam pro viribus est ornaturus.

AVGVSTVS LVDOVICVS MAHN, GOTHANVS,
celebrabit praecipuum patriae bonum, pacem videlicet, maxime religiosam, eiusque studium laudatissimum esse, exemplis IMPERII ROMANI capitis AVGVSTISSIMI, & potentiorum Europae principum non minus, quam SERENISSIMI PATRIS PATRIAE ostendet.

GOTHOFREDVS NONNE, GOTHANVS,
repraesentabit pacis recentissimae autorem celeberrimum, DVCEM de RIPPERDA, deque eius meritis, & fatis exponet, quod suppeditant publice actorum ephemerides Germanice, & Gallice, Amstelodami, vt, & Hagae Mercurii nomine editae, maxime autem, quae eruditi auctoris opera Latine NOVORVM LIPSIENSIVM nomine publicantur.

BASILIVS AMADEVS DE GLEICHENSTEIN,
Calbensis Magdeburgicus,
demonstrabit fortunae PRINCIPALIS perpetuitatem in recta iuuentutis institutione fitam, & SERENISSIMAE DOMVS FRI- DENSTEINIAE principis iuuentutis natu tertii, IO. AVGVSTI, propter singulares corporis, animique dotes, Pragae AVGVSTISSIMO CAROLO VI. probatas, Caesareae legioni praefecti exemplo illustrabit.

Supereft, DVX SERENISSIME,

PRINCEPS, ac DOMINE clementissime,
vt, quod SERENISSIMAE DOMVI VESTRAE bonis omnibus prosequendae fuit destinatum, inueniat aequos pii officii aestimatores, nec damnetur istud publicantis tabula votiuia, nec improbentur nouitiorum oratorum conatus, sermonesque recitandi destituantur audientium frequentia. Vt istud tanto confidentius posset sperari, summe reuerendis, & nobilissimis ILLVSTRIS GYMNASII curatoribus repraesentatum est

QK Md 993

VD 18

est institutum, eorumque impetrata est approbatio. Quod si sperabant proceres, virique docti praesentes, fore, vt absenti SERENISSIMO PATRIAE PATRI, SERENISSIMIS FILIIS, COMITIBVSQVE spectatissimis non displiceant, quae Gothae agitantur, dabunt hoc NATALIS DOMINICI solennibus, & religioni, vt panegyryn non deserant. Congregabitur haec XII. AVGVSTI IN AVDITORIO CLASSIS I. post horam VII. ante meridiem. Publicabitur autem votiua haec tabula pridie. Vt, quae publice nuncupabuntur, vota, per templa scholasque, audiat propitius SERENISSIMAE DOMVI FRIDENSTEINIAE DEVS, & rata esse iubeat per Christum, religiose precor, rogoque submississime, vt animis, linguisque declamantium faueatur, clementissimeque probetur quaecumque hoc meum institutum: quod profectum esse ex animo salutis SERENISSIMAE DOMVS FRIDENSTEINIAE cupidissimo, studiofissimoque, vere possum affirmare

DVX SERENISSIME,

PRINCEPS, AC DOMINE CLEMENTISSIME,

SERENISSIMAE CELSITVDINI VESTRAE

Dabam Gothae
pridie NAT. DOM. VII. AVG.
CIO 1000 XXVI.

subiectissimus

GOTHOFREDVS VOCKERODT,
II, GTMN, GOTH, RECTOR.

W.C.



Quod
ab-
CO-
agi-
reli-
naec
ante
idie.
blas-
NIAE
ro-
rium
hoc
lutis
dio-

ME,

DDT.


L

Pon Wld 993, 2x
f

ULB Halle 3
004 593 332







h. 19, 21



Q. D. R. V.
VOTIVA TABVLA,
POST
ILLVSCENTEM VIII. AVGVSTI CIO 1800 XXVI.
AVSPICATISSIMVM
NATALEM QVINQVAGESIMVM
SERENISSIMI PRINCIPIS,
AC DOMINI,
FRIDERICI,
DVVIS SAXONIAE, IVLIAE, CLIVIAE,
AC MONTIVM, VT ET ANGRIAE, ET WESTPHALIAE,
LANDGRAVII THVRINGIAE, MARCHIONIS
MISNIAE, COMITIS PRINCIPIS HENNEBERGIAE,
COMITIS MARCAE, ET RAVENSBERGAE,
DYNASTAE RAVENSTEINII, ET TONNAE,
PPINCIPIS, AC DOMINI SVI
CLEMENTISSIMI,
propter supergressum feliciter primum magnum
ANNVM CLIMACTERICVM,
qui vitae humanae scopulus, & fatalis imperantibus vulgo creditur,
superatumque annorum aetatis numerum DEI populo sacrum,
commendatumque diuina autoritate
IVBILEI nomine variis immunitatibus dedicandam
suspensa,
cum
ILLVSTRIS GYMNASII GOTHANI lustratio finiretur,
atque inuitanda esset ad solemnem supplicationem
PANEGYRIS.

GOthAE, LITTERIS REYHERIANIS. 27